

Presentada

De **Bissenti Demontis**, Síndigu de Scalepranu

Presentu cun praxeri sa pubbricatzioni de is Poesias e de is cumponentus in prosa chi ant pigau parti a sa de cuàturu editzionis de su Cuncursu literàriu “Poetendi e Contendi – Scalepranu in poesia” organizau de s'Amministrazione cun s'agiudu de sa Bibliotecà comunalì, de su Sistema Bibliotecàriu de su Sarcidanu e de sa Regioni Autònoma de sa Sardìnnia, impari a is àteras inìtziativas culturàlis po ammanniai s'importu e su valori de sa língua e de sa Cultura sarda.

Cumentì, e prus puru, de is àterus tres Cuncursus giai fatus is arresurtaus funt diaberus prus mannus de su chi si podiaus abetai: sa cantidadi e sumpepari sa calidadi de is òperas presentadas no funt de mancu a cussas de is àterus Prémios de poesia sarda, chi tenint una traditziòni, un'istòria prus longa, ma fintzas prus finantziamentus e visibìladadi me in is média. Si podeus cunsiderai cuntentus po àiri bintu un'àtera iscumissa culturàli chi affortiat sa língua sarda.

Furia nendi de sa cantidadi de is òperas, iscritas – e custa est cosa noa – in totu is bariantis, in Logudoresu e in Campidanesu ma fintzas in Gadduresu e in Tabarchinu. Custus funt is nùmurus: 49 poesias e 22 cumponentus in prosa (*Contus*), a custus tocat a atúngiri is 20 poesias e is 3 cumponentus de is iscientis, (de s'Isitudu cumprensivu de Scalepranu, siat de is elementaris che de is médias).

Ma est ancora sa calidadi de is chi ant pigau parti chi at antimau su Prémio, poetas e iscrivoris de ònnia parti de s'ísula, ma calencunu fintzas disterrau in Italia, alloddu:

Teresa Piredda Paoloni 1^u prémio po sa poesia cun *Ollu ancora bolai*, biventi in Perugia.

Antoni Brundu de Orani 1^u prémio po sa setzioni prosa cun *Candela 'e chera*.

Antoni Piras de Iscanu 2^u prémio po sa setzioni poesia cun *Punzos serrados*.

Marinella Sestu 2^u prémio po sa setzioni prosa cun *Unu contu*. Chi nd'at pesau e est presidenti de s'assó tziu culturàli *Logos* de Igrésias chi organizat su *Premio nazionale di poesia* “Città di Iglesias”, arribau in su mesi de ladàmini a sa de doxi editzionis, Marinella Sestu est poetessa e iscrivora in limba de valori. At giai bintu unu biaxi de prémios in Cuncursus a innui at partecipau.

Giusepi Tiroto de Casteddu Sardu 3^u prémio po sa setzioni poesia cun *Liaddura*. Tiroto est iscrivori de poesia in gadduresu de grandu valori. At pubbricau tra is àterus líburus *Lu bastimentu di li sogni di sciumma*, **1997**, *L'umbra di lu soli*, **2001**, *Cumentì oru de nèuli*, **2002**, *La rena dopo la risacca*, **2004**, *Agra terra* (tradusidura de *L'umbra di lu soli*, **2005** e at bintu unu muntoni de prémios: “*Premio Ozieri*” **1995**, “*Premio Montanaru*” **1995**, “*Premio Gramsci*” **1995**, “*Casteddu de sa Fae*” **1999**, “*F. Modena – San Felice Panaro*” **1999**, “*Lions Duomo di Milano*” **2000**, “*Romangia*” **2000**, “*Premio Internazionale Nosside*” de Regio Calabria **2002**, “*Premio Ozieri*” (segunda borta) **2002**, “*Casteddu de sa Fae*” (segunda borta).

Giunni Càralu Secci 3^u prémio po sa setzioni prosa cun *De Domìnigu*, ma at pigau parti fintzas a sa setzioni prosa e at arriciu una sinnaladura.

Una sinnaladura in sa setzioni poesia, ma at pigau parti fintzas a sa setzioni prosa, a **Gonàriu Carta-Brocca**, (1^u prémio po sa setzioni prosa s'annu passau), durgalesu chi iscriit in limba, siat poesias che contus, de candu teniat 20 annus. In su 1989 cumentzat a pigai parti a is Cuncursus de poesia sarda apillendu meda arresurtaus: est unu iscrivori chi at bintu prus prémios: in su 1996 bincit su prémio “*Romàngia*” e pubbricat su primu líburu de poesias arretulau *Sos càntigos de s'ae*. In su 2000 bincit su “*Michelangelo Pira*” chi ddi permitit de pubbricai sa segunda arregorta poètica arretulada *Tera*. In su 2001 unu líburu de paristórias *Sos sette de s'arcu 'e chelu*. Ispantat, in sa moda de iscriri de Gonàriu Carta-Brocca, sa perfetzioni istilística, s'arrichesa de fueddus chi imperat e su manixu siguru chi fait de sa língua sarda.

Sinnaladura in sa setzioni poesia fintzas po **Arrafieli Piras** de Cuartúciu e po **Antoni Fadda** de Loiri, àterus duus poetas de grandu valori premiaus unu biaxi de bortas in Sardìnnia; po sa setzioni prosa sinnaladura po **Sandru Biccai** de Sindia, chi s'est fatu onori in s'úrtime “*Premio Ozieri*”, una po **Arcàngelu Mereu** scalebranesu chi bivit in Foghesu (setzioni prosa) e po **Antoni Longu** de Macumere

(setzioni poesia).

Nci funt àterus balentis poetas e iscrivoris chi podeus cunsiderai che is de domu in Scalepranu, ca ant pigau parti a su Cuncursu de sa prima editzioni etotu: unu est **Sandru Chiappori** (2^u crassificau po sa setzioni poesia s'annu passau), casteddàiu, iscriit in sa varianti campidanesa ma fintzas in logudoresu e in gadduresu, in prosa cumentu in poesia, stravanau diaberus. Fintzas e issu at bintu meda prèmius: in su 1991 bincit su "Premio Gallura", siat po sa prosa siat po su tiatru; apustis at a binci su prèmiu "Luras" po sa poesia e su prèmiu "Gramsci" po sa prosa. E ancora: bincit duas editzionis de su Cuncursu "Montanaru" ('92 e '94), 4 editzionis de su "Partiolla" e aici sighendi. A ddus allistau totus iat a éssiri cosa tropu longa: funt assumancu prus de 160 is arriconnoscimentus chi at tentu. In sardu-campidanesu at pubbricau sa cumédia *Su Cammellu de Antoninu*.

E ancora arremonaus **Maddalena Frau**, ollolaesa ma chi bivit in Seddori de medas annus, po custu iscriit siat in logudoresu che in campidanesu, chi at giai pubbricau duas bellas arregortas poéticas *Lugore de luna* in su 2002 e *Sas maravillas de don Bosco* in su 2005; de **Santinu Marteddu** de Thiniscole, issu puru poeta chi at bintu unu muntoni de prèmius: bincidori de su 1^u prèmiu po sa poesia in su segundu Cuncursu de Scalepranu; **Antonellu Bazu**, de Tàtari, is poesias suas siat in logudoresu che in tataresu, ant arriciu arriconnoscimentus in is prus famaus Cuncursus de poesia in língua sarda, prèmiu Otieri, Pasada, Mamujada, Tiesi, Predu Casu de Berchidda, Quartúciu, L'ulivo d'oro di Dolianova, prèmiu Regionali C.R.E.I. - A.C.L.I.

E ancora **Sarbadori Frau** de Désulu, **Bissenti Piu** de Casteddu, **Maria Massa** de Domunoas e **Maria Battistina Biggio** de Casteddu: bincidoris de meda prèmius, cumentu de cussu de Igrésias.

Totu custus iscrivoris e poetas in Sardu ant donau una manu de agiudu po avvalorai su Cuncursu nostu ma sumpepari ant donau importu e visibilidadi a sa bella e antiga Língua sarda e ...a Scalepranu. Po custu ddis torraus gràtzias.....

Sa partecipazioni de is iscienti scalebranesus chi cust'annu ant ammostau unu manixu prus siguru in s'imperu de su sardu: a dimostrazioni de su fatu ca candu is maistus e is famíllias ddus incoraggiant is giovanus arrespundint e sa calidadi de is traballus intzoru bessit ammilliorada.

Po congruiri torraus gràtzias a totu is chi at permítu s'organizazioni e is arresurtaus de su Cuncursu "*Scalepranu in Poesia*", mascamenti a sa giuria: a su Presidenti, prof. Frantziscu Casula, a sa prof.ssa Franca Marcialis e a sa dott.ssa Bruna Siriu.

Bortada in Sardu de sa dott.ssa Bruna Siriu.